



NG Gemeente, Rietfontein-Suid, Pretoria
Taakspan vir Kinders: Junior Kategese & Kleuterkerk



Sleutels vir Lewe

SLEUTEL 1 - Afhanklikheid van God

Matteus 5:3 Geseënd is dié wat weet hoe afhanklik hulle van God is, want aan hulle behoort die koninkryk van die hemel

Die wêreld sê:

Jy moet ryk, slim, sterk, mooi, eerste, die beste wees.

Jesus sê:

Jy moet afhanklik van Hom wees.

Besprekingspunte

As EK die middelpunt is en alles oor MY gaan:

Daar sal altyd teleurstelling wees, want daar is altyd iemand wat beter of swakker as jy is. Dit wat vir jou belangrik is, kan breek, gesteel word, uit die mode gaan. Dink aan kinders wat altyd baklei, ander boelie of afknou - Dit laat hulle belangrik en in beheer voel, maar hulle raak later grootmense wat ook ander boelie en afknou. Om ander te beledig, oneerlik te wees, af te kraak of seer te maak, maak van jou iemand wat op ander neersien en altyd ongelukkig en ontevrede sal wees.

Jesus sê by Hom is jy ALTYD 'n WENNER. Dit maak nie saak wat jou skoolpunte is, hoeveelste jy in atletiek gekom het, of jy eerstespan rugby of krieket speel nie en of jy die beste speelgoed in die straat het nie. Dit maak ook nie saak of jy vet of maer of lank of kort is nie. Dit maak nie saak of jy ryk of arm is nie.

Jy is nie WAT jy besit nie, maar WIE jou besit.

Jesus wil net hê jy moet van Hom afhanklik wees elke dag en met alles.

Storie: Bokse en balle deur Max Lucado

lets om huis toe te neem

Maak 'n padda uit karton. Lyf: Sirkel. Pote: Trek kind se twee hande af.

Plak kolle vir oë of plak plastiek-oë. Teken 'n mond by en skryf in die middel **FROG (Fully Rely on God)**

Elke week

Sleutels sluit iets oop ... Byvoorbeeld: Slotte, deure, kluipe, hekke, motors, skatkis, ens.

Dit verteenwoordig keuses waarvoor jy te staan kom in die lewe.

Jy het die keuse watter sleutel jy in die lewe gebruik om wat oop te sluit. Dit bepaal waarheen jy gaan, wat jy ontdek en die gevolge van jou keuse.

Jesus se Sleutels vir Lewe verskil van die wêreld se sleutels.

Wie is die wêreld?

Dit is nie net onbekendes nie. Dit is ook ons maats of vriende, partykeer grootmense wat ons leer ken. Eintlik is dit almal wat nie mooi verstaan dat Jesus se Sleutels vir Lewe anders is nie.

Wat is sonde?

Sonde is enigiets wat Jesus se hart sal seermaak.

Alles vir God se goedkeuring en glimlag!